



OBAVIJEST ZA TISAK

S ciljem da se na konstruktivan i kvalitetan način pomogne kompanijama, te državnim organima da dalje i preciznije sagledaju poslovanje kompanija iz različitih sektora, probleme sa kojima se one susreću, a naročito u vrijeme svjetske ekonomske krize, te da se kompanijama i investicionim fondovima omogući da bolje sagledaju planove i mjere državnih institucija u cilju poboljšanja okruženja poslovanja kompanija u FBiH, Federalno ministarstvo finansija/finansija je organizovalo Okrugli sto gdje su bili prisutni predstavnici [Vlade Federacije BiH](#), [Federalnog ministarstva finansija/finansija](#), [Privredne komore Federacije BiH](#), [Zavoda za zdravstveno osiguranje Kantona Sarajevo](#), [Komisije za vrijednosne papire Federacije BiH](#), [OdRaz-a](#), te predstavnici, investicionih fondova (IF-ova), kompanija koje učestvuju na projektu i konsultanta. Okrugli stol se organizirao u okviru projekta pod nazivom: „Ubrzanje restrukturiranja poduzeća u Bosni i Hercegovini kroz aktivno upravljanje portfeljima investicionih fondova“, kojeg finansira Evropska Komisija, a administrira Svjetska banka. Projekat se već duže vrijeme odvija u FBiH, a realizira se u suradnji Ministarstva finansija/finansija FBiH, Komisije za vrijednosne papire FBiH, OdRaz-a, te uz pomoć konsultanta EPIC Financial Consulting GmbH iz Beča, Austrija iz Austrije.

Projekat je organiziran i osmišljen sa ciljem da se potakne restrukturiranje masovno privatiziranih kompanija u FBiH. Specifični cilj je bio pomoći IF-ovima da se transformiraju u aktivne vlasnike koji će imati kapacitet da poboljšaju stvarnu vrijednost njihovih portfelja kroz restrukturiranje kompanija, te također kroz privlačenje novih kupaca i investitora. Ostvarivanje sveukupnih ciljeva bi poboljšalo konkurentnost kompanija i za uzvrat stvorilo uvjete za održiv ekonomski oporavak i razvitak FBiH i BiH, a što bi trebalo da pomogne BiH u implementaciji procesa stabilizacije i pridruživanja Europskoj Uniji.

Na početku realizacije projekta postignuti su dogovori sa većinom Investicionih fondova iz FBiH. Odabrano je šest (6) kompanija za restrukturiranje, a to su: [Energoinvest Termoaparati d.d. Sarajevo](#), [Konfekcija Borac d.d. Travnik](#), [Metalotehna d.d. Tuzla](#), [Namještaj d.d. Gradačac](#), [Vispak d.d. Visoko](#), te [Žitopromet d.d. Mostar](#). U dosadašnjem toku projekta, u pomenutim kompanijama su pripremljeni i usvojeni Programi restrukturiranja, te je u toku implementacija usvojenih mjera restrukturiranja. Također je izvršena analiza okruženja, zakonske regulative, te kroz takve analize i diskusije sa predstavnicima kompanija i fondova dati prijedlozi koji bi mogli poboljšati okruženje poslovanja kompanija.



Na okruglom stolu su pored ostalog diskutovane i teme vezane za poslovanje kompanija, tržišno okruženje u kome posluju, te mogućnosti rješavanja poreskih dugovanja kompanija, sa posebnim osvrtom na poslovanje kompanija u uslovima svjetske ekonomske krize. Kompanije koje učestvuju na projektu su dale više predloga koji su usmereni na poboljšanje uslova poslovanja, kreditiranje, podsticaj izvoza, te reguliranje poreskih dugovanja.